

Ilanngussaqq F



Aningaasaqarnermut Naalackersuisoq -/ Maani

Ulloq: 08. november 2016

J.nr.: 01.31.11-00016

2017-imi aningaasanut inatsisissatut siunnersuummut Naalackersuisut allannguutissatut siunnersuutaat

1. Aallaqqaasiut

2017-imi aningaasanut inatsisissatut siunnersuummut Naalackersuisut allannguutissatut siunnersuutaannut Aningaasaqarnermut Akileraartarnermullu Ataatsimiititaliap apeqputai oqaaseqaataalu matumuuna nassiunneqarput. Apeqputinut pingaarnertut tunngavigineqarpoq 2017-imi aningaasanut inatsisissatut siunnersuutip aappassaaneerneqarnissaanut Naalackersuisut allannguutissatut siunnersuutaannik 26. oktober 2016-imi ullulerneqartunik ataatsimiititaliap misissuinera.

Allamik allassimasoqartinnagu quppernertut innersuussutit aningaasanut inatsisissatut siunnersuutip danskisuaanut innersuussutaapput.

2. Apeqputit

2.1. Sammisag 1-imut Aaqqissuinikkut allannguutit

- a) Allannguutissatut siunnersuut 17 konto pingaarneq 89.72.12 – Inissialiassat taartissanillu inissialiortiterneq. Nunaminertat pineqartut tunineqanngippata, taarsiullugulu isaterneqassappata kommuninut utertinneqassappat, taakkuummatami nunaminertanik tunniussisartut?
- b) Allannguutissatut siunnersuut 1 konto pingaarneq 10.06.10 – Partiit qineqqusaarnissaannut tapiissutit. Oqaasertassatut kissaatigineqartoq peerneqarpat aningaasaqarnikkut tapiissutit sumut atorneqarsimanagerat pillugu siunissami nalunaarusiamik saqqummiussisoqartannginnissaanik tamanna kinguneqassava? Innuttaasut akileraarutaannit aningaasat partiit qineqqusaarnerminni atortarpaat. Tamanna ima isumaqarpa naatsorsuusiortussaaneq, kukkunersuiisarneq, naatsorsuutinut piumasaqaatit il.il. atorunnaassasut? Taamaassimappat tamatumunnga suna tunngaviua?
- c) Allannguutissatut siunnersuut 5 konto pingaarneq 30.13.43 – Nuna tamakkerlugu innarluutilinnut sullissivik. Suliassami kisitsisinut iluarsisutit sooq taama annerutigaa?
- d) Allannguutissatut siunnersuut 6 konto pingaarneq 40.10.12 Efterskolit. Iluarsisuteqarnermut suna tunngaviua?
- e) Allannguutissatut siunnersuut 9 konto pingaarneq 70.01.04 Sanaartornermi aqutsineq suliniutinullu aningaasartuutit.
Sulisup ataatsip sipaarutigineqarnissaanut suna tunngaviua?

Suliassaqarfik taama pingaaruteqartigisoq sooq annikillisaaviginiarneqarpa?

Test Lab qanoq ingerlava, tamatumunngalu pilersaarutit suuppat?

- f) Allanguutissatut siunnersuut 13 konto pingaarneq 73.95.02 Erngup nukinganik misissueqqaarnerit. Missingersuutinut ilanngussami immikkoortumi kingullermi allassimavoq ukiumoortumik nassuiaasiortoqartartoq. Misissueqqaarnerni taakkunani suut pilersaarutaappat? Naalackersuisut misissueqqaarnissanut pingaarnersiukkatut nalunaarsugaat taakununngalu pilersaarutit nassiunneqassasut ataatsimiititaliamit kissaatigineqarpoq.

2.2. Sammisag 2-mut Missingersuutinut sunniuteqanngitsumik allanguutit

- a) Allanguutissatut siunnersuut 21 konto pingaarneq 20.40.01 Digitaliseeriinermut Aqutsisoqarfik. Suliassanik peqatigiiffinnut aammalu siusinnerusukkat atorfeqarsimasunut tunngasut arlalinnik suli naammassineqanngitsunik Digitaliseeriinermut Aqutsisoqarfik ingerlataqarmat ilumoorpa? Taamaassimappat tamanna ajornartorsiutaasut Naalackersuisunit isigineqarpa? Taamaassimappallu qanoq aaqqiiviginiarneqarpa? Aqutsisoqarfiup pingaarnertut pilersaarusioneqarnera aqutsivigineqarneralu Naalackersuisunit qanoq nalilerneqarpa? Siunissami ammasuunissaq suliffimmilu pitsaasunik avatangiiseqarnissaq qulakkeerniarlugit aqutsisoqarfimmi taamaattumi aqutsisoqarnikkut suut pilersaarutaappat?
- b) Allanguutissatut siunnersuut 24 konto pingaarneq 34.11.01 – Napparsimasut nunani allani katsorsarneqartarnerat, timikkut nappaatit. Konto pingaarnermut matumunnga aningaasat immikkoortinneqareersut saniatigut qanoq amerlatigisunik immikkut atuinissaq Aningaasaqarnermut Naalackersuisunit naatsorsuutigineqarpa? Kiffartuussinissamik isumaqatigiissutit nutaat kingunerisaannik konto pingaarnermi matumani aningaasaliissutit amerlinissaat Naalackersuisunit naatsorsuutigineqarpa imaluunniit ataatsimiititaliamit ilisimaneqartariaqartunik aaqqiissutaasinnaasunik allanik peqarpa? Taamaassimappat tamatumunnga pilersaarutaasinnaasut ataatsimiititaliamit kissaatigineqarput.
- c) Allanguutissatut siunnersuut 26 konto pingaarneq 34.12.01 Nunap immikkoortuini peqqinnissaqarfiit, nakorsanit sullinneqarneq. Katsorsaanerit nunatsinnut nuunneqarsimasut missingersuutinut ilanngussami allassimavoq, sorphiaalli pineqarnersut allasimanani. Isitigut katsorsaanerit saniatigut katsorsartinnerit qanoq ittut nunatsinnut nuunneqarsimappat? Suliassaqarfiit nunatsinnut nuunneqareersut suliassaqarfiillu allat siunissami nunatsinnut nuunneqartussat pillugit pilersaarutit killiffiat Naalackersuisunit suliarineqarsimava. Tamatuma saniatigut sulisunik, nakorsanik il.il. sulisussarsiortarneq eqqarsaatigalugu aningaasaqarnikkut pilersaarut pigineqarpa?

2.3. Sammisag 3-mut Isertitaqarnerunissamik inatsisitigullu aningaasartuutinit pisussaaffigisanit naatsorsuutit nutaat

- a) Allanguutissatut siunnersuut 36 konto pingaarneq 10.13.10 - Iluanaarutit, aktianik piginneqatigiiffinniit piginneqataassutit tunisinerillu. Ingerlatseqatigiiffinni sorlerni angusassatut ilimagisat Naalackersuisunit qummut iluarsivigineqarpat aammalu isertitassatut missingikkat sooq 8 mio. kr.-eqqissaanik qaffanneqarpat?
- b) Allanguutissatut siunnersuut 37 konto pingaarneq 24.10.10 – Nuna tamakkerlugu akileraarut. Isertitaqarnerussutissatut taaneqartumut pissutsit allanguutissatut siunnersuummi 36-mi siuliani taaneqartumi assingi pissutaasimassasut ataatsimiititaliamit ilimagineqarpoq. Ingerlatseqatigiiffiit sorliit Naalackersuisunit eqqarsaatigineqar-

nersut assersuusiorneqarlutik paasissutissiissutigineqarnissaat ataatsimiititaliamit kissaatigineqarpoq.

- c) Allanguutissatut siunnersuut 37 konto pingaarneq 24.10.10 – Nuna tamakkerlugu akileraarut. Missingersuutinut ilanngussami allassimavoq pingaartumik ingerlatseqatigiiffiit aalisarnermik ingerlataqartut aalisakkat raajallu akigissaartinneqarnerat pisutigalugu piginneqataasunut pissarsititsisinnaasimasut. Aalisarnermik ingerlatsisut akornanni ingerlalluarpallaanngitsoqarpa?
- d) Allanguutissatut siunnersuut 38 konto pingaarneq 24.10.12 - Ingerlatseqatigiiffiit akileraarutaat, Namminersorlutik Oqartussat suliffeqarfiutaat. Isertitaqarnerussutisatut taaneqartumut pissutsit allanguutissatut siunnersuummi 36-mi siuliani taaneqartumi assingi pissutaasimassasut ataatsimiititaliamit ilimagineqarpoq. Ingerlatseqatigiiffiit sorliit Naalakkersuisunit eqqarsaatigineqarnerut assersuusiorneqarlutik paasissutissiissutigineqarnissaat ataatsimiititaliamit kissaatigineqarpoq?

2.4. Sammisag 7-imut Konto pingaarneq 20.05.20 Kommuninut ataatsimoortumik tapiissutit

- a) Allanguutissatut siunnersuut 62 konto pingaarneq 20.05.20 Kommuninut ataatsimoortumik tapiissutit. Qaasuitsup Kommunia avinneqassappat tamanna qanoq aningaasalersorneqarniarnersoq paasissutissiissutigineqassasoq ataatsimiititaliamit kissaatigineqarpoq?

2.5. Sammisag 8-mut Anisitaasimasunut inisseeqqittarfimmik tunisineq

- a) Allanguutissatut siunnersuut 66 konto pingaarneq 20.10.22 – Isertitat allat. Anisitaasimasunut inisseeqqittarfittut ingerlateqqinnissaanik piunasaqaatitalimmik illumik tigusinissaq kommunimit kissaatigineqanngippat anisitaasimasunut inisseeqqittarfiup ingerlatiinnarneqarnissaa Naalakkersuisunit qanoq qulakkeerniarneqarnerasoq paasissutissiissutigineqassasoq ataatsimiititaliamit kissaatigineqarpoq.
- b) Anisitaasimasunut inisseeqqittarfiup kommunimut tunniunneqarnissaanik kissaateqarnermut suna tunngaviua?

2.6. Sammisag 9-mut Aningaasanut inatsimmut isumaqatigiissut

- a) ICC-mut 400.000 kr.-inik aningaasaleeqqinnissamut pisariaqartitsisinnaaneq aningaasanut inatsimmut isumaqatigiissummut atatillugu oqallisigineqarsimanersoq paasissutissiissutigineqassasoq ataatsimiititaliamit kissaatigineqarpoq. Kiisalu tamanna pillugu allanguutissatut siunnersuummik saqqummiussinissartik Naalakkersuisut pilersaarutigaat?
- b) Allanguutissatut siunnersuut 75 konto pingaarneq 40.10.12 Efterskolit – tassungalu oqaasertaliussaq. Danmarkimi efterskolertunut angajoqqaat akiliutaata annikillisinneqarnissaa oqaasertaliussakkut aalajangersarneqarmat aammalu Gruppe I-imi angajoqqaat akiliutaat 0 kr.-inngortinneqarsimammat ataatsimiititaliamit iluarisimaarneqarpoq. Tamanna nunatsinni efterskolernerumut atatillugu pineqartunut taakkununga angajoqqaat akiliutaata assigaa. Gruppe II-milu III-milu angajoqqaat akiliutaasa assigiissutaannut tunuliaqutaasoq paasissutissiissutigineqassasoq ataatsimiititaliamit kissaatigineqarpoq.
- c) Allanguutissatut siunnersuut 77 Konto pingaarneq 72.20.05 Ilaasunik angallassinermut tapiissutit. Aningaasanut inatsit pillugu maanna isumaqatigiissut kiffartuussinissamik isumaqatigiissusiorderup ingerlaqqinnerani kiffartuussinissamik isumaqatigiissutit pillugit pilersaarutinut qanoq kinguneqassava?

- d) Allannguutissatut siunnersuut 67 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit. Kalaallit Airportip sulissutigineqarnerata killiffia ataatsimiititaliamit paaserusunneqarpoq. Aammattaaq Qaqortumi mittarfissamut atatillugu suliap killiffia paasissutissiissutigineqassasoq ataatsimiititaliamit kissaatigineqarpoq.

Naalakkersuisooqatigiit nutaat Kalaallit Airport A/S-imut pilersaarutaat suuppat? Atorfinitsitsisarneq pillugu ingerlatseqatigiiffimmi nutaanik aalajangersagaqartoqarnera Naalakkersuisunit ilisimasaqarfigineqarpa? Ingerlatseqatigiiffimmi atorfinnik atorunnaarsitsisoqarniarnersoq imaluunniit nutaamik atorfinitsitsisoqarniarnersoq Naalakkersuisut ilisimavaat? Taamaassimappat sooq qanorlu?

Qaqortumi mittarfiliornissamik pilersaarut Naalakkersuisunit suli ingerlanneqarpa? – Taamaassimappat misissueqqaarnerit qaqugu aallartinneqassappat? Sanaartorneq qaqugu aallartinneqartussatut naatsorsuutigineqarpa?

Kangerlussuarmi Narsarsuarmilu mittarfiit maanna qanoq pilersaaruteqarfigineqarpat? Taakkununga pilersaarutit suunersut paasissallugit nunatsinnut innuttaasuinullu pingaaruteqarluinnarpoq. Aamma taamaappoq kiffartuussinissamik nutaamik isumaqatigiissuteqarneq eqqarsaatigalugu. Pisoqqat atorunnaarsinneqassappata suliassaqarfimmu Naalakkersuisut nutaat qanoq siunissamut ungasinnerusumut pilersaaruteqarnerat apeqqutaassasoq naatsorsuutigineqartariaqarpoq.

Kiffartuussinissamik isumaqatigiissutit atsiorneqaqqammersut nunatsinni qanoq eqqissiviillortitsitiginerat eqqarsaatigalugu kiffartuussinissamik isumaqatigiissutissat nutaat tusagassiorfitsigut ilimasaarutigineqartut eqqarsaatigalugit Aningaasaqarnermut Akileraartarnermullu Ataatsimiititaliaq aalajangeeqataanissaa Naalakkersuisut eqqarsaatigaat? Inatsisartut tamarmiusut akuutinneqaqqullugit Aningaasaqarnermut Akileraartarnermullu Ataatsimiititaliaq aalajangeeqataanissamut piginnaatinneqartariaqarpoq. Kiffartuussinissamik isumaqatigiissutit sunniutaat takoreerpagut.

2.7. Sammisag11-mut Ilinniartunik suliffimmillu misiliisunik atorfinitsitsinermi inuiaqatigiit akisussaassuseqarnerat pillugu inatsisissatut siunnersuut

- a) Taanna tunuartinneqassava?
- b) Iliuserineqartoq atuussinnaassuseqarnerasoq qanoq nalilersorneqartussatut eqqarsaatigineqarpa?
- c) Suliassaqarfinni inatsisikkut immaqa matuneqartussani/killilerneqartussani namminersorlutik ingerlatsisunut unammillerlutik Namminersorlutik Oqartussat suliffeqarfimmik ingerlatsinissaat Naalakkersuisut naatsorsuutigaat? Matumani eqqarsaatigineqarput suliffeqarfiit mikinerit piunasaqaatinik immaqa naammassinnissinnaangitsut.
- d) Inuussutissarsiornermik ingerlatsisut tamatumunnga immikkut aningaasartuuteqartariaqartut taarsiissuteqarfigineqarnissaat eqqarsaatigineqarpa?
- e) Naleqqussarnissaq namminersortunut qanoq akeqassanersoq ilisimaneqarpa?

2.8. Oqaasertaliussat pillugit

- a) Allannguutissatut siunnersuut 88 Konto pingaarnermut 20.40.02-mut, Nuna tamakerlugu digitalinngortitsinissamut periusissiap atuutsilerneru. Suliassaqarfimmi susoqarpa? Qanoq pilersaaruteqartoqarpa aammalu suliniut sumut killippa?
- b) Allannguutissatut siunnersuut 96 Konto pingaarnermut 72.10.16-imut, Inissiat attartortittakkat ingerlanneqarnerat, aningaasaliissutinit iluanaarutit. Immikkoortoqarfimmik nutaavimmik aallartitsinermut taarsiullugu ingerlatseqatigiiffiit pioreersut, soorlu

INI A/S, Illuut A/S il.il., sooq atorneqanngillat? Immikkoortoqarfik nutaaq qanoq aningaasalersorniarneqarpa? Inissianut isateriaannarnut pisoqqanullu immikkoortoqarfimmik nutaamik pilersitsineq aammalu inissianut allanut immikkoortoqarfimmik nutaavimmik pilersitsineq isumatusaarnerunngissorinarpoq. Naalackersuisut sooq taama iliorpat? Tamatuma sunniutissai pitsaasut suussappat? Sooq tamanna pillugu aalajangiisoqarpa?

- c) Allanguutissatut siunnersuut 97 Konto pingaarnermut 72.20.05-imut, Ilaasunik angallassinermut tapiissutit. Siusinnerusukkut isumaqatigiinniutit aallartinneqarnissaannut periarfissaqarpa? Aammalu siusinnerusukkut oqaatigineqareersutut Aningaasaqarnermut Akileraartarnermullu Ataatsimiititaliaq aalajangeeqataasinnaava?

Naalackersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalackersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik tallimanngornermi ulloq 11. november 2016, nal. 12.00 Aningaasaqarnermut Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteq-quneqarpoq.

Med venlig hilsen



Jens Immanuelson
Formand for Finans- og Skatteudvalget